


# KUKHAZIKISIKIKA

## KWA MADIKONI

 Ndipo, ndiko kuti, kuti chakudankha ndi kukhazikiska madikoni ghanyake mu mpingo. Ndipo mpingo withu uchoko kuno ndi wakuyima pawekha. Uwu ulije bungwe lirilose panji kunyake kuti utumeko madikoni ghake, uwu ukusankha wekha madikoni ghake. Uwu ukusankha mliska wake, uwu ukusankha mathrastii ghake, uwu ukusankha chirichose icho chikunjira na icho chikuruta kuwaro kwa mpingo. Kulije munthu yumoza wali na mazaza ghalighose, ndi mpingo. Ndipo mpingo ndi weneawo wakwiza na kuzakavwira mpingo na kuwapo kwawo, na chakhumi chawo na vyakupereka, nyengo zose ndi weneawo wali na mazaza ghakuzomerezgeka kuyowoyako mu kukhazikiska wantheura.

<sup>2</sup> Ndipo ine nkhukhumba kuti niwonge gulu lakale la madikoni, ndipo ine nkhuwoyoya ichi kufumira pano ku mpingo wose. Usange wanyake wa wabale awa wali muno, weneawo waka wa M'bale Cox, M'bale Fleeman, na M'bale Higginbotham na M'bale Deitsman, iwo watichitira uteweti uweme, wachitira Fumu, mu kachisi yuu.

<sup>3</sup> Ndipo pa nyengo yiriyose, kwakulingana na marango gha mpingo, chirimika chirichose, madikoni panji mathrastii kwambura kufumba wakumalizga nyengo yawo. Ndipo usange iwo wakukhumba kuti wawererepo, viri makora. Usange iwo wakukhumba yayi kuwererapo, ntheura iwo wangawikapo wanyake mu malo ghawo, agho gulu ili laghareka.

<sup>4</sup> Ndipo usiku unyake ine nkhachema gulu la mathrastii, cheneicho pali gulu liphya la mathrastii. Ine nanguwona M'bale Luther McDowell muno usiku uwu, ise ndise wakukondwa kumuwona iyo, uyo kale waka wa pa gulu la mathrastii. Ine nangurutako sabata iyi kuti nkhafufuze na kuwona usange ise tingaghalembaso, gheneagho ghaperekekenge ku mpingo, nakoso. Kutu mathrastii gha mpingo sono ndi M'bale William Morgan, M'bale Mike Egan, na M'bale Banks Wood, na M'bale Roy Roberson. Ndipo iwo wose wakufumira mu msumba uwu, kupatulako M'bale Roberson uyo wakukhala pakatikati pa misumba yiwiri. Fumu yawonamo vyakuwayenerezga mu wanarumi awa, ndipo iwo wali kuwa wanthu wakuchindikika, ndipo iwo sono wapokera ntchito ngati mathrastii gha mpingo uwu.

<sup>5</sup> Ndipo ntheura apo ungoro uwu ukarutiriranga, ndipo chikayowoyeka na mliska wakovwirana nayo kuti ise, kuti

tisankhe gulu liphya la madikoni, kuti aŵa ŵakatunikira nyengo yawo yikamara—ndipo ŵakareka, ntheura ichi chikaŵa chakuti tisankhe madikoni ghanyake. Sono, mpingo... Umo ichi chikuchitikira, ndi, gulu la ŵakuruŵakuru lingapereka mazina gha madikoni, mwanarumi uyo iwo ŵakhala nayo ndipo ŵasanga kuti ndi waulemu ndipo mwanarumi murunji.

<sup>6</sup> Udindo wa dikoni ndi udindo ukuru chomene, ndipo ulemu ukuru kwa Fumu kuŵa dikoni mu mpingo. Ndipo ntheura, mu ungano usiku unyake, mwanarumi munyake wakiza kuti wandifumbe ine. Ndipo pa kukumana na mliska, lakurondezganga... pa Chinkhonde chamara ichi, cheneicho chikazomezgeka na mwanarumi uyu kuti aŵa ŵakaŵa ŵakuchindikika ndipo ŵanarumi ŵarunji.

<sup>7</sup> Mwanarumi yumoza mwanichi uyo iwo ŵakasanga, ntha wakaŵa wakukwanira viŵi (ntha chifukwa chakuti iyo ntha wakaŵa mtundu wakwenerera wa mwanarumi), yumoza uyo wakasachizgika na yumoza wa ŵanthu ŵakuchindikika ŵa gulu lithu la mathrastii. Kweni umo mliska na ine tikati takumana pamoza, ndipo ine nk hafumba msinkhu wa mnyamata mwanichi, iyo wakaŵa mu virimika vyake vyakumayambiro gha matwente. Wakuchindikika, murunji, ndipo mwanarumi mweneke, kweni kufufuza iyo wakaŵa wambura kutora. Baibolo likukhumba kuti dikoni waŵe mwanarumi wakutora. Iyo wakwenera kuŵa mfumu wa muwoli yumoza.

<sup>8</sup> Ndipo ntheura mwanarumi munyake uyo wakaŵa mwanarumi wakuchindikika chomene, wakukwanira chomene pa ntchito ndipo nthena wakapanga mwanarumi wakugomezgeka, umo m' bale wakamusachizgira iyo. Ntheura pamanyuma pa kufufuza nk hani, kuti m' bale wakaŵa kuti wafika waka mwasonosono mu Chipulikano ichi, muwoli wake wakugomezga yayi mu Ichi. Ntheura chira chikamutondeska mwanarumi yura pa udindo. Chifukwa iyo wakwenera kuti waŵe na banja lake lose mu kujilambika, iwo ŵakwenera kuti ŵaŵeso mu Chipulikano, chifukwa ichi mbwenu chiŵenge chakususkana.

<sup>9</sup> Ndipo ise tikuzenga sono, ndipo ise tikukhumba kuti tikhazikiske mpingo uwu. Ndipo ngati mulaŵiriri mukuru wa mpingo, ine nk huyenera kuti ndiwone kuti uwu ukukhalirira, m' Malemba, chirichose nk hanira pa Mazgu.

<sup>10</sup> Ndipo ntheura ipo, pamanyuma, ichi chawoneka kuŵa chakwenerera ku vakuruŵakuru na mliska, na mulaŵiriri, kuti ŵasankhe mu gulu ili la ŵanthu muno ŵanarumi ŵanyake awo ise tikughanaghana kuti ndi ŵakuchindikika ndipo ŵanthu ŵarunji. Ise tingaŵasachizga waka iwo. Ndipo ichi ndi, pamanyuma, iwo ŵakusankhika na mpingo, mwa kuvota kwawo. Ndipo ntheura ŵanarumi aŵa ŵatumikirenge, usange iwo ŵakuwona kuti iwo ŵauzomerenge udindo uwu.

Ntheura iwo wâgwirenge nyengo yichoko, kuti wawone usange iwo wakuwona kuti panyake Chiuta wawachema iwo. Ndipo usange nyengo yinyake kunthazi, usange iwo wakuwona kuti iwo mbakwenerera yayi, ntheura, iwo wâli na mazaza mu masabata ghachoko ghakurondezgako kuti waureke udindo, kuti munthu munyake wakwenera kuti wasankhikiremo mu malo ghawo.

<sup>11</sup> Ndipouli, pa kwambilira kwa chisisimuso kuti (usange Chiuta wazomerezga) ine nkhukhumba kuti ndizakaŵe nawo muno mu kachisi uyu para ine naŵa na kupumurapo, ntheura ine—ntheura ine...ise tighakhozgenge madikoni agha pa kuchita kuŵaŵika mawoko, madikoni na msungichuma mu mpingo uwu. Kweni chakudankha iwo wâkwenera kuti wasankhike ndipo—ndipo tiwone umo iwo wakuwutemwera uwu na umo mpingo ukulitemwera ili. Ntheura usange ili ndi—ntheura usange ili liri makora ku vigaŵa vyose viŵiri, ntheura ise tikuŵapanga wânarumi aŵa madikoni ghakukhozgeka, kuyana waka ngati ndiumo Mathrastii ghakusorekera munthowa yeneŵira.

<sup>12</sup> Ndi kuyima pawekha na dango la mpingo, mwa Mazgu gha Chiuta. Ipo, mwakuti, iwo wângayowoya yayi kuti “Ine nkhughanaghana kuti mwanarumi uyu wangaŵa mwanarumi wakwenerera,” icho ndimo chiliri yayi, “M’bale Neville wakughanaghana kuti mwanarumi uyu wangaŵa mwanarumi wakwenerera,” panji “gulu la mathrastii likughanaghana kuti mwanarumi uyu wangaŵa mwanarumi wakwenerera.” Ichi chikwenera kuŵa mpingo! Kulije munyake wakuchita chirichose mwa iyomwene muno. Ndi kuvota kwa mpingo. Ndi mpingo wakuyima pawekha.

<sup>13</sup> Mndandanda wakale wa malamuro ukanangikira mu chigumura cha mu 1937. Ise tiri kughalembaso agha, ndipo ghakhomekenge pa chiliŵa muno mwasonosono, ntchito za mathrastii, madikoni, msungichuma, na wanyake ntheura, mliska, wâkovwirana nawo, na wanyake ntheura.

<sup>14</sup> Mwa uchizi wa Chiuta, ichi chiri kuyowoyeka kwa ine, ndipo chazomerezgeka kwathunthu na wâkuruŵakuru ŵa mpingo uwu, kuti iwo wâsanga kuti M’bale Hollin Hickerson wangaŵa, mwanarumi wakuchindikika, ndipo mu mzere mu udindo uwu kuti wâpokere—ntchindi zikuru za kuŵa dikoni wa kachisi uyo tikuyowoya.

<sup>15</sup> Kweniso, ise tasanga, ndipo mwa kusankha kwizira mu wâkuruŵakuru, kuti M’bale Collins nayoso wasangika kuti ndi wakuchindikika ndipo mwanarumi murunji. Pakuŵa mupharazgi, iyomwene, ntheura ise timufumbenge iyo kuti wafike ndipo waŵe—dikoni wa mpingo; ndipo nthâ dikoni pera, kweni movwiri kwa M’bale Neville, ndipo panyake ku kalasi la Sande suku, panji kuti watore malo gha M’bale Neville,

panji chirichose icho iyo wakufumbika kuti wachite kuti waŵe movwiri kwa M'bale Neville. Uyo ndi M'bale Collins.

<sup>16</sup> Ndipo, kweniso, mpingo wasanga kuti, mu kutemwerekwa, kuti M'bale Tony Zabel, mwanarumi wakuchindikika ndipo murunji, ndipo iyo watemwerekwa panthazi pa gulu la mathrastii na ŵaliska, kuti timufumbe iyo kuti wapokere udindo wa udikoni mu kachisi uyo tikuyowoya.

<sup>17</sup> Ndipo kweniso kwafumbika, ndipo kwasangika mwanarumi wakuchindikika pakati pithu... (Ntha... aŵa ntha ndi ŵanarumi ŵekha pera ŵakuchindikika, sono, kweni kuti ŵasoreka waka na ŵakuruŵakuru.) M'bale Taylor kufuma ku Henryville, panji Memphis, ine nkugomezga ndiko uku, Memphis, Indiana. Iyo wali kuŵa na ise kwa nyengo yitaliko, kuchitanga ngati movwiri na chirichose chikaŵako. Kuti mpingo wasanga kutemwerekwa na iyo, panji ŵakuruŵakuru na ŵaliska, kuti iyo wangamanya kutora—udindo ukuru wakuŵa dikoni wa kachisi uyo tikuyowoya.

<sup>18</sup> Ndipo kweniso kwafumbika kuti mkweni wa M'bale Mike Egan, M'bale—M'bale Bob Harned, wasankhika na ŵakuruŵakuru na ŵaliska, kuti watore udindo wa msungichuma wa kachisi uyo tikuyowoya, yeneiyo ndi ntchito yakuchindikika, ndipo yikuhumbika urunji na ulemu.

<sup>19</sup> Mu kuchita ichi, ine nkughanaghana, ŵabale ŵane, kuti kumuchemani imwe kufumira pano, kuti ichi chiŵenge chaulemu chomene kwa imwe. Ndipo apo pera yayi, kweni chinyake chakuti muchite.

<sup>20</sup> Pa nyengo iyi ine nifumbenge M'bale Neville, movwiri withu, kuti waŵazge vyakumuyenerezga dikoni. M'bale Neville, usange iwe ungaŵazga ichi kufuma mu Mazgu gha Chiuta. [M'bale Neville wakuŵazga 1 Timote 3:8-13—Munozgi]

*[Ntheuraso madikoni ghakwenera kuŵa gha nkharo yiweme, ntha ŵalilime paŵiri, ntha ŵakutandala mu kumwa vyakuloŵezga, ntha ŵakutemwa ndalama zamarikho;]*

*[Ŵakoreskenge chamchindindi cha chipulikano mu njuŵi yituŵa.]*

*[Ndipo rekani aŵa ŵayezgeke chakudankha; pamanyuma rekani iwo ŵatore ntchito ya udikoni, pakuŵa kuti ŵasangika ŵambura chifukwa.]*

*[Nanga ndi ŵawoli ŵawo ŵakwenera kuŵa ŵankharo yiweme, ŵakusea yayi, ŵakujikora, ŵakugomezgeka mu vinthu vyose.]*

*[Rekani madikoni ghaŵe ŵafumu ŵa muwoli yumoza, kulamuliranga ŵana ŵawo na nyumba zawo makora.]*

*[Pakuti iwo ŵeneawo ŵali kuchitapo udindo wa udikoni makora ŵakujitorera kwa iwoŵene zina]*

*liweme, na chikanga chikuru mu chipulikano cheneicho  
chiri mwa Khristu Yesu.]*

21 Amen. Ine pa nyengo iyi nipemphe wabale awa awo wachemeka, usange iwo wangiza waka kunthazi kuno ku gome pakanyengo waka. Ndipo apo ise tikusindamiska mitu yithu pakanyengo waka kuti tirombe, ine nkhukhumba iwo. . . Ndipo mpingo ukumanya kasi ichi ntchichi, kuti uku ndi kusankha gulu linu la madikoni na msungichuma winu.

22 Fumu Yesu, ichi ndi mwakujikora, kughanaghana kwauchiuta kuti ise tikwiza kwa Imwe sono. Ise tikwiza mwa ntchindi ku Mazgu Ghinu Ghatuwa Chomene, ise tikwiza kugomezganga kuti “Rekani lizgu lirilose la munthu liwe litesi, kweni la Chiuta liwe launenesko.” Ndipo ise ndise wakuwonga kwa Imwe chifukwa cha Mpingo uwu uwo Yesu wali kugura na Ndopa Zake Yekha zakuzirwa, ndipo watipa ise nyumba iyi kuti tisoperengemo.

23 Ndipo umo walawiliri wa mskambo ukuru uwu, cheneicho Mzimu Mutuwa wali kutikhozga ise kuti tiwe, ise tikwiza sono kuti tipereke ku gulu ili lakugomezga, gulu la wanarumi warunji awo ise tikugomezga kuti mbakuzuzgika na Mzimu ndipo mbakunozgekera kuwutora udindo. Umo ichi chikayowoyekera kale kukhwaskana na gulu la madikoni, “Rutani mukajipenjere mwa wene pakati pinu, wanarumi wa mbiri yiweme ndipo wali na Mzimu Mutuwa, mwakuti iwo wangamanya kutumikira mu kawiro aka, kuti wapwererere vyokolo na wana walanda, kuti waga we ndalama, na kupwererera mayendero ghaweme gha mpingo.” Kunthazi mu virimika, ise ta wazga waka vyakulemba vya mukuru yura, wakukhuwirizgika, Paulos mutuwa, uyo wakukhazikiska kulengezeka kwa Malemba za vyakuwayenezga wa maudindo ghantheura.

24 Chiuta, chindikani wanarumi awa. Ndipo sono uku ndi kusankha, Fumu, ngati mpingo wakuyima pawekha, ngati thupi la Fumu Yesu, kuti iwo wachita kusankha. Ndipo. . . [Pa tepi palije kalikose—Munozgi]. . . ndipo warongozgenge chiga wa ichi cha chisopo mu nthowa yapadera, mu Zina lira lituwa na laurunji la Yesu.

25 Sono na mitu yithu yakusindama, nth mitu yithu pera kweni mitima yithu, ndipo ngati membara waliyose wa mpingo uwu, uyo wakwiza kuno kawirika wiri ndipo wakovwira uwu na vyakhumi vyinu na vyakupereka, mweneuyo wakughanaghanirika kuti ndi membara wa mpingo uwu, apo mliska na ine, tekha pera, tikula wiska, mliska wakovwirana nayo, M'bale Neville, na ine wakuwula wirira, ine nkhupempha usange mpingo uwu ukumusanga M'bale Taylor kuti wanga wa mwanarumi murunji na wakwenerera, mwa kughanaghana kwinu kuweme chomene, kuti wa we dikoni pa gulu ili la wanthu? Imwe mutiwoneske chimozimozi pakuchita kukwezga

woko linu. [M'bale Branham wakupumulira—Munozgi] Viri makora. Sono usange walipo munyake wakusuka, uli iwe ukwezge woko lako. [M'bale Branham wakupumulira.] Yewo.

<sup>26</sup> Kasi walipo membara munyake wa mpingo uwu wakuwona kuti . . . ndipo mose, kasi imwe mukuwona kuti M'bale Hollin Hickerson ndi mwanarumi murunji na wakuchindikika, ndipo mwanarumi uyo wasangika mu maso ghinu kuti ndi wakwenerera kuwa dikoni wa kachisi uyo tikuyowoya? Uli imwe mutiwoneske pakuchita kukwezga woko linu lamaryero. [M'bale Branham wakupumulira—Munozgi] Usange ichi ntchakususkika, ipo kwezgani woko linu. [M'bale Branham wakupumulira.]

<sup>27</sup> Kasi gulu ili likuwona kuti M'bale Collins kuti wangaŵa chimozimozi, murunji ndipo mwanarumi wakuchindikika, ndipo ngwakwenerera ntchito ya kuwa dikoni wa mpingo uwu? Uli imwe mukwezge woko linu. [M'bale Branham wakupumulira—Munozgi] Viri makora. Mwaŵakususka, uli imwe mukwezge woko linu. [M'bale Branham wakupumulira.]

<sup>28</sup> Kasi gulu ili likuwona kuti M'bale Tony Zabel wangaŵa mwanarumi wakuchindikika ndipo wakwenerera udindo uwu, wa kuwa dikoni pa mskambo uwu mu kachisi uyo tikuyowoya? Uli imwe mukwezge woko linu lamaryero. [M'bale Branham wakupumulira—Munozgi] Mwaŵakususka, uli imwe mukwezge woko linu. [M'bale Branham wakupumulira.]

<sup>29</sup> Kasi gulu ili likuwona kuti M'bale Harned ndi mwanarumi murunji na wakugomezgeka, uyo wali kuwa na ise nyengo yitaliko, kuti wangaŵa msungichuma, msungichuma-mlembi wa mpingo uwu, kuti wawonenge vya ndalama zake na kulipira mabilu ghake? Usange ndi ntheura, kwezgani woko linu lamaryero. [M'bale Branham wakupumulira—Munozgi] Kasi walipo wakusuka, kwezgani woko linu lamaryero. [M'bale Branham wakupumulira.]

<sup>30</sup> Ine nkikhumba kuti ndiyowoye ku—ŵabale awo ŵayimirira pa nyengo iyi yasono, musi mwa mphinjika iyi, kuti mpingo uwu, kwathunthu (palije wakususka waliyose), wamuwonani imwe mose ŵakwenerera pamaso pa Chiuta kutora udindo uwu uwo Chiuta wamuchemeranimu.

<sup>31</sup> Sono, imwe, umo mukayowoyera, “Rekani aŵa ŵayezgeke chakudankha, ndipo muwone usange iwo ŵakuwukhumba udindo uwu.” Mu masabata ghachoko, para Chiuta wazomerezga, ine ndizakwizaso kuti ndizakaŵike mawoko pa gulu ili la ŵanarumi, kuti niŵapange iwo ŵakuzomerezgeka mathra- . . . panji madikoni gha mpingo uwu, na msungichuma.

Tiyeni tisindamiske mitu yithu pa kanyengo waka:

<sup>32</sup> Fumu, ise ndise ŵakukondwa usiku uwu kuti ŵachaliko ŵanthu ŵakukhala pa charu chapasi awo ŵangamanya kuyenda mwauchiuta panthazi pa charu; ŵauchiuta chomene kuti

kachisi, na maramulo ghakukhora umo uyu waliri nagho, wāngamanya kuwīkamo wānarumi wānkhone mu udindo ngati wārongozgi wāwo, kwambura voti limoza lakususka. Ise ndise wākukondwa chifukwa cha iwo, ndipo ise tikuwona kuti Imwe mwanguwa nase mu kupanga vigamuro ivi, wākuruwākuru na ise wāliska.

<sup>33</sup> Chiuta, tumbikani wānarumi awa. Ndipo nkhuomba iwo wātumikire udindo uwu na mtima wawo wose, kumanyanga kuti uwu ukuwatorera iwo zina likuru Kuchanya. Dazi linyake para Mabuku gha Kuchanya ghazamkujarika, nkhuomba kuti Buku la vyamoyo vyakuchanya na mu Buku likuru la Kuchanya ghakajurike, mphanyi mazina ghawo ghakaŵe kwathunthu panthazi pa Chiuta na Muponoski na maumba ghoŵe gha Kuchanya, kuti ghakaŵe chimozimozi mu Ufumu Wake. Wātumbikeni iwo, Fumu, ndipo nkhuomba iwo wātumikire makora udindo uwu. Mu Zina la Yesu ise tikumuwongani Imwe chifukwa cha iwo. Amen.

<sup>34</sup> Ine nkukhumba kuti ndikoreko waka mawoko ghinu, M'bale Harned, na M'bale Zabel, na M'bale Collins, M'bale Hickerson, na M'bale Taylor. Nakondwa chomene kumanya kuti ise tiri na wenenawene nyengo yose iyi na wanthu wākuchindikika wānthaura. Chiuta wamutumbikeni imwe sono. Ndipo ise timuwoneninge imwe mwasonosono, malinga ine napumurapo pachoko, kuti nifikeso, ndipo ndiwone umo imwe mukuwutemwera udindo winu. Viri makora, mwa kusankha kwawo, ine nkhuomezga nanguzomerezga kwathunthu, paliye kususka kulikose.

<sup>35</sup> O, kasi imwe ndimwe wākukondwa yayi kuti imwe mukukhala na wanthu muhanyauno awo wāngamanya kukhala umoyo panthazi pa Chiuta, wauchiuta, na kukhala umoyo panthazi pa charu chasono ichi mu kawiro ako? Ichi ndi chinthu chiweme.

<sup>36</sup> Ndipo ine ndine wakukondwa chomene kumanya usiku uwu kuti ine ndiri na mwaŵi wa—wakuwa na wānarumi awa na mpingo uwu kuwa wābwezi wane. Ine ndine wakukondwa chomene kuti Chiuta wandizomerezga ine kukhala ndamwene na Mpingo Wake charu chose zingirizge. O, iwo mbakunyozeke ndipo wākukanika ndipo wākuyowoyeka, ndipo umo ine nanguyowoyera mlenji uwu mu uthenga wane, panyake wākudyaka waka dongo, umo charu chikuwālaŵiskira iwo, ngati “gulu la wākunyanyira,” kweni Chiuta wakuwālaŵiska iwo ngati wana Wake. Ine ndine wakukondwa chomene pa icho. Iwo panyake wāngamanya yayi kumuphalirani imwe kasi pali makilomitazi ghalinga kukafika ku mwezi. Iwo panyake wāngamuphalirani yayi imwe vya mu mlengalenga vyose na umo ichi chikwendera. Kweni pali chinthu chimoza icho iwo wākumanya, iwo wākulimanya ora apo iwo wākababikirasō. Ine ndine wakukondwa chomene chifukwa cha iwo.

<sup>37</sup> Ndipo ngati ntharika yichoko iyo ine nkhasambira, Ndipo ine ndiyilinganizgenge iyi usiku uwu na wasungwana wane wachokowachoko wawiri kuti ndiwe ngati ndipange ichi chitikhazikiske ise, kuti ndipange ichi kuwa chenekocheneko kwa ise, mwakuti imwe mungamanya kupulikiska ching'anamuro cha iyi. Mlenji umoza, nkhwukanga pa bedi. . . Ine ndiri na wasungwana wachokowachoko wawiri. Yumoza wa iwo ndi Rebekah, ndipo yumoza wa iwo ndi Sarah, ndipo iwo ndi wasungwana wachokowachoko wa dada.

<sup>38</sup> Ndipo ine ndiri na mnyamata muchoko, Joseph. Ine nkhezanga kufuma ku Chattanooga, kufuma mu unganano usiku umoza, apo ine nkhaŵa kula mu unganano waumaliro uwu wakukopa. Ndipo ine nkhaŵa mu-galimoto, nkheyendanga na mwana wane mulara, Billy. Muwoli wake na Meda wakaŵa mu galimoto, na wasungwana. Ndipo apo ise tikarutanga, pakaŵavye munyake wakayowoyapo chirichose mtunda wa mabuloko ghangapo gha msumba. Ndipo ine nkhaŵa kuti ndawacheka mwankhongono chomene wanthu usiku ula za umo iwo wakachitiranga. Ndipo pakaŵavye munyake wakayowoyapo chirichose. Ndipo Joseph muchoko wakiza ndipo wakandikora pa phewa, iyo wakati, "Adada, imwe nadi mwangupharazga usiku uwu!"

<sup>39</sup> Ndipo mlenji uwu, apo ine nkanyamukanga ndipo nkharutanga ku Eighth na Tenth Street, a. . . panji Penn na Tenth, mphanyiko, pakaŵavye munyake wakayowoyapo chinyake, muwoli na wasungwana wawiri. Ndipo Joseph muchoko wakakora phewa lane kamoza, iyo wakati, "Adada, ula, ine nanguwutemwa chomene upharazgi ula mlenji uwu," iyo wakayowoya.

Ine nkhati, "Enya, ine ndiri nayo wakundilimbikiska yumoza, uyo ndi mwana wane."


<sup>40</sup> Ndipo ku kuyowoya kwithu kuchoko. Nkhauka mlenji umoza, chikhalire mu chipinda, Becky muchoko wakiza wakuchimbira ndipo, wakuti, iyo wakatangalara rundi lane ndipo wakaŵika woko lake kundikumbatira ine, ndipo iyo ndi msungwana muchoko wa adada. Ndipo iyo wakandikumbatira ine. Ndipo Sarah muchoko wakaduka kufuma pa bedi wali na malaya ghake ghachoko ghakugonera ndipo mbwenu, wakuti, wakwiza wakuchimbira. Iyo ndi muchoko wamaso-ghaswesi.

<sup>41</sup> Becky muchoko mbwenu wakuti, "O, Sarah, palije phindu lakuti iwe ufike, chifukwa ine ndiri na Adada wose ndamwene. Adada ndi wose wane!" Ndipo Sarah muchoko, milomo yake yichoko yikalepetuka, maso ghake ghachoko ghaswesi ghakabenekerereka. Ine nkhamusinizga iyo ngati *ntheura* ndipo nkhatambasura khongono linyake, ndipo iyo wakiza ndipo wakakwera pa ili.



<sup>42</sup> Becky wali na marundi ghatali, nthaura igho mbwenu ghakakhwaskanga pasi. Sarah muchoko wakasendemukanga, nthaura ine nkhaŵika mawoko ghane ghose kumukumbatira Sarah. Sarah muchoko wakalaŵiska kwa Becky ndipo wakati, “Becky, iwe panyake ungaŵa na Adada wose, kweni Adada ŵali na yose wa ine!”

<sup>43</sup> Ndipo ine nkughanaghana kuti umo ndimo ichi chiliri apa. Ise panyake nthu timanyenge vyose vya masambiro pa vyauchiuta na mazgu ghose ghakuru gha Chigiriki, gulu ili la ŵanthu panyake limanyenge yayi. Kweni pali chinthu chimoza chakusimikizgika, ine nkugomezga Yesu wali na *ise* tose. Amen.

Viri makora, M'bale Neville. 

58-0720E Kukhazikiskika Kwa Madikoni  
Branham Tabernacle  
Jeffersonville, Indiana U.S.A.

CHITUMBUKA

©2024 VGR, ALL RIGHTS RESERVED

VOICE OF GOD RECORDINGS, MALAWI OFFICE  
P.O. BOX 51453, LIMBE, MALAWI

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili nthu lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS, MALAWI OFFICE  
P.O. BOX 51453, LIMBE, MALAWI

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)